

UG Nr. 1/2024

Großa starka Freundeskreis

Griaß eich, i bin's da Eberhard,
bin scho den ganzen Tag parat,
weil da Franz mit seiner Susi kummt,
und zwoa aus an ganz besondern Grund.

Jahri wird a unser Franz.
Des brauch natirli a wengan Glanz.
Hoit! I hear was, kimmt ma via.
Jo, es leit grad an da Tia.

Kemmt's eina, es zwoa, setzt's eich nieda.
An Hoabrundn hast Franz, sei jo ned zwieda.
Du feiast heia deine 75 Joa.
Du hast a Glick, bist ned aloan.

Wei a großa starka Freundeskreis
feiert mit dir in gleicha Weis.
Wei 75 Joa wird a da Vaband,
des gfreit uns olle im ganzen Land.

Do sads gleich oid da PVÖ und du.
Jo, die Zeit vafliaht im Nu.
Des is weidas jo koa Gscher,
owa a tolles Geschenk muaß her.

Da hob i ma bei mir so denkt,
was i dir und da Susi am gscheiden schenk.
Was Scheens mit kulturellem Wert.
Zwoa guate Karten für's Neijoaskonzert.

Dort lasst's eich feian, ihr Jubilare.
Da Franz, da PVÖ san 75 Jahre.
Höfma zam in dera Wölt,
mit Freindschaft und vü Solidarität.

A schens Konzert, a große Freid,
wünsch i euch olle, es liabn Leit.
Nemma uns allo bei da Hand,
hoch lebe da Franz und da Pensionistenverband.
Euer Eberhard